

A ÑUCAMA SINANXUN CA AXA ANU TIMĚCĚ UNICAMAN ĚSAQUIN CAXA:

A PAIN SINANCĚ BANA

CAMAXUNBI CA 'UNANIA: Camabi uni ca bĕtsibĕ sĕnĕn 'icĕ quixun camaxunbi 'unancĕ 'aish ca camabi uni, uni itsin racueocema 'janan cĕmei ami mananquin 'atimocĕna 'aish chŭamarua bucuti 'icĕn.

CAMAXUNBI CA 'UNANIA: Camabi uni ca bĕtsibĕ sĕnĕn 'icĕ quixun sinanti 'ainbi ca an usaquin sinancĕma unicaman an sinancĕx a meu 'icĕ uni 'aisamaira tĕmĕramianan paĕ tanmiquin 'atimoia, uni raĭri usoquin uni 'ati ca 'aisama 'icĕ quicĕbĕtanbi. Usaquin bĕtsi unĭ 'ati cuĕĕnima ca camabi uni ĕsai iti 'icĕn: aġu ġu ġui cara banaia a cupĭ ubiocĕma itĭ, 'ianan aġu ġu cara sinania a cupĭ ubiocĕma 'iti, 'ianan aġu cara pisa tania pianan ain cuĕĕncĕ ġu bianan uinu cara 'isa tania anu 'iabi ca bĕtsi unĭ unin racuĕotima icĕn.

CAMAXUNBI CA 'UNANIA: Gobiernocaman uni upitax bucunun quixun bana mĕniocĕma 'ain tĕmĕraquin ca unicaman masá nuituquin ain 'apumibĭ nishi 'acananiti sinanti 'icĕn.

CAMAXUNBI CA 'UNANIA: Camabi netenu 'icĕ unicama ubiocĕma 'aish chŭamarua 'inun ca camabi nĕtĕnu 'icĕ gobiernobĕ ain unicamaribi bĕtsi gobierno 'imainun ain unicamabĕ nishanania upĭ iti 'icĕn.

CAMAXUNBI CA 'UNANIA: Gobiernocaman xucĕx timĕcĕ unicaman ca upĭma ġu 'acĕma 'aish ca camabi uni bĕtsibĕ sĕnĕn 'aish ubionancĕma upiti itĭ icĕ quixun sinanquin camabi uni usai 'inun 'aquinŭ camaxbi 'iásamaira oi upiti bucunun.

CAMAXUNBI CA 'UNANIA: Gobiernocamanribi ca caxa, camabi 'apun anĕcĕ unicaman sinancĕsaribi oquin cananuna nunribi sinanin. Usaxun cananuna atubĕtan atŭn sinancĕsabi oi nun nĕtĕnu 'icĕ unicama 'atima ġu 'acĕma 'aish upiti bucunun 'aquinti 'ain.

CAMAXUNBI CA 'UNANIA: Camabi unicama ubiocĕma upiti bucunun ca camaxunbi pain ĕnĕ banacama unanquin sinanti 'icĕn.

Gobiernocaman xucĕx timĕcĕ unicaman ca ĕsaquin caxa:

A ÑUCAMA SINANXUN CA AXA ANU TIMĚCĚ UNICAMAN ĚSAQUIN CAXA:

Camabi nĕtĕnu 'icĕ unicaman: ĕsai 'iti 'aish ca camabi uni upiti bucutĭ ice quixun sinanquin ca ĕnĕ quiricanua ġuicĕ banacama manutimoquin sinánan an ĕnĕ bana 'unancĕma unicamanribi upĭ oquin 'unánun 'unanmitĭ 'icĕn. Camabi gobiernonĕn ca ain nĕtĕnu icĕ unicaman ĕnĕ banacama upĭ oquin 'unánun 'aquinti 'icĕn. Camabi nĕtĕnu 'icĕ unicaman ĕnĕ banacama upĭ oquin 'unánun ca gobiernocama bĕtsi gobiernobĕ 'aquiananti 'icĕn.

1.

Ui uni cara 'iti icĕ axbi ca bĕtsi unibĕ gobiernonĕn iscĕx sĕnĕn itĭ icĕn. Ui cara ain tita ain papa 'iaxa quixun sinanquinma ca gobiernonĕn sinancĕx ax bĕtsibĕ sĕnĕn 'icĕn. Camaxunbi ca sinanti 'unanin. Camaxunbi ca aġu ġu ati cara asábĭ 'icĕn, aġu ġu 'ati cara 'aisama 'icĕ quixun 'unanti 'icĕn. Usa 'ain ca camaxbi ain xucĕnbĕ 'icĕsaribiti nuiananti 'icĕn.

2.

Uinu 'icĕ ĕmanu 'icĕ uni cara ax 'icĕ, ui unin aintsi cara ax 'icĕ, ax cara xanu 'icĕ, ax cara nucĕ bĕnĕ 'icĕ, uisa banan cara banaia. Nucĕn Papa Diosmi cara sinania, ami sinanima aġu ġubi rabi cara sinania, ui unicamax cara 'apu 'iti ice quixun sinania, aġu ġu cara sinania, uisai cara ain papa ain tita 'ia, ġuġu cara ax 'icĕ, ġuġuma cara, usa ġucama sinanquinma ca gobiernonĕn camabi uni ġu 'atima 'acĕma 'aish ca bĕtsi unibĕ sĕnĕn icĕ quixun sinanti 'icĕn.

Uisa cara ain nete icĕ, a nĕtĕ cupĭ ca uni 'atimocĕ 'itima 'icĕn.

3.

Ui unibi ca bĕtsi unin bamamiti sinantima 'icĕn. Ca chiquĭtĭmoĭ sipuacĕ 'itima 'icĕn. Ca 'atimocĕ 'itima 'icĕn.

4.

Uinu 'icĕ unixbi ca chiquitimoquin marucĕ 'itima 'icĕn. Uni chiquitimoquin maruxun 'ĭbuati 'aĭma itĭ 'icĕn.

5.

Uinu ice unibi ca 'aisamaira oquin uni itsin paĕ tanmitima 'icĕn. Bĕtsi uni ami nishquin paĕ tanmiquin 'atimocĕ a ca 'itima 'icĕn. Ĥuina 'acĕsa oquin 'atimocĕ ca uni 'itima 'icĕn.

6.

Uinu 'icĕ unĭxa uinu cara 'ia a ca anu 'icĕ gobiernonĕn uni itsi 'acĕsaribi oquin sinanti 'icĕn, ax bĕtsi unisaribi 'icĕ cupĭ.

7.

Uinu ice unibi, ami uni itsin upima sinanquin paránan 'atimonunma ca gobiernonĕn 'aquintĭ 'icĕn. Enĕ banacama sinanquinma ain cuĕĕncĕs a oquin unin unĭ itsi atĭmoĭ ami 'ĕsĕnanunma ca gobiernonĕn bĕrŭatĭ 'icĕn.

8.

Uni ġu 'atima 'acĕma 'icĕbi uni itsin 'atimocĕ 'ixun ca a unin an uni bana mĕniocĕ 'apu cati 'icĕn. Cacĕxun ca mĕniotĭ 'icĕn, gobiernonĕn cacĕsabi oquin.

9.

Uinu 'icĕ unixbi ca aġubi 'uchacĕma 'icĕbi bĕtsi uni ain cuĕĕncĕsa oquin sipuacĕ 'itima 'icĕn. Sipunu 'icĕ ca anubi 'inun ĕntima 'icĕn. Ain menua ca bĕtsi menu cuantanun xutima 'icĕn.

10.

Unin uisa ġu 'acĕ 'icĕa bĕtsi uni a 'aisamonun quixun ami mananquin cacĕxun ca an bana mĕniocĕ 'apun bĕtsi uni manancĕ a unin banaribi asĕrabĭ cara usa 'icĕ quixun 'unantĭ 'icĕn, uni raĭrĭnĕnribi ismainun. Upĭ oquin istancĕxuinshi ca cati 'icĕn, uisa cara a unĭ otĭ ice quixun, gobiernonĕn ain quiricanu mĕnĭosabi oquin.

11.

Uinu 'icĕ uni cara uni itsin ami manania, a ca an bana mĕniocĕ 'apun pain upĭ oquin sinantĭ 'icĕn, sapi ca ġu 'atima 'acĕma 'icĕ quixun. Gobiernonĕn cacĕsabi oquin pain ca isti 'icĕn uisa ġucama cara 'axa quixun. Uni rainrĭnĕn ismainun ca axa ami manancĕ unicaman bana cuanan amia manancancĕ a unin banaribi cuanan an a uni unancĕ unin banaribi cuatĭ 'icĕn. Cuaxuinshi ca asĕrabĭ uisa cara a uni 'iaxa quixun upĭ oquin 'unantĭ 'icĕn.

Uisai cara gobiernonĕn bana quia usoquinshi ca an bana menioce 'apun a 'uchacĕ uni asĕrabĭ ain ġu 'atima 'acĕ istancĕxun uisa cara otĭ ice usoquin 'atĭ 'icĕn. Anun a ġu 'aisama 'acĕ nĕtĕ ain fecha isquin ca an bana mĕniocĕ 'apun a fecha gobierno quicĕ bana bĕtisoĭma a bana quicĕsabi oquinshi axa 'uchacĕ unĭ atĭ icĕn.

12.

Uinu 'icĕ uninbi ca ain cuĕĕncĕsa oquinshi bĕtsi uni 'imainun ain xanu 'imainun ain bĕchicĕ ubiotima 'icĕn, ain xubunu ca atsintima 'icĕn, ain quirica bĕtsi unin bĕmicĕ 'imainun quirica an buanmicĕ ca rainrĭnĕn bitima 'icĕn. Usa 'ain ca uinu ice unixbi, a unix ca 'aisama icĕ quixun unĭ rairĭ sinanmi 'atimatĭ banatima 'icĕn. Usai banacĕbĕtanbi an bana menioceapun gobiernonĕn cacĕsabi oquin meniotĭ 'icĕn.

13.

Uinu cara uni cuainsa tania, anu ca cuanti 'icĕn; ain nĕtĕnu 'aisch uinu cara tsotisa tania ca unĭ anu tsoĭ 'icĕn.

Ui unix cara ain nĕtĕnuax nĕtĕ itsinu cuainsa tania ax ca cuanti 'icĕn. Amanu 'itancĕx ain nĕtĕnu utĕcĕinsa tani ca utĭ 'icĕn.

14.

Uix cara ain nētēnuxun bētsi bētsi ocē 'ia ax ca tēmēranuxma bētsi nētēnu cuainsa tani cuanti 'icēn.

Ain űu 'atima 'acē cupí gobiernonēn mēnioquin 'atimocē usa uni ca ain nētēnuax tēmēratí rabanan bētsi nētēnu cuantima 'icēn.

15.

Camabi uni ca ain netenu ití icēn.

Enē nētē minan 'aishbí ca minanma 'iti 'icē quixun ca unin bētsi uni catima 'icēn. Bētsi nētēnu 'isa tanquin ca unin usai 'inuxun gobiernobētan mēniotí 'icēn.

16.

Bētsi bētsi unix ca quia: Uni canice ixunbi ca bētsi netenu icē xanu bitima 'icēn, ca bētsi banan banacē xanu bitima 'icēn, ca an rabicē dios rabicēma xanu bitima 'icēn. Usa unix quicēsai ca 'itima 'icēn. Unin usa xanu canicē 'icē bisa tanquin ca bití 'icēn, a xanu cuēēncēbētan. Atux 'isa tani ca bēchicēűu 'ití 'icēn. Gobiernonēn iscēx ca a űi ain xanubē sēnēn 'icēn, xēñibua 'ainbí.

Nucē bēnē cuēēnquinshi ca xanu bití 'icēn, a anúribi cuēēnia ca bití 'icēn.

Tuácama ain tita ain papabē 'aquiananti ca asábi 'icēn. Usai upiti bucunun ca camabi unin sinantí 'icēn. 'Apunribi ca usai 'inun sinanxunquin 'aquintí 'icēn.

17.

Uni meűu 'isa tania ca uni itsin meűu 'inun ēnti 'icēn. Xuburibi 'imainun aűu űuűu cara uni 'isa tania ca uni itsin a űuűu 'inun ēnti 'icēn. 'Aisa tanquin uni rairibētan mēniotancex ca a űu ainainshima, rairinanribi 'iti 'icēn.

Unin ca ain cuēēncēsa oquinshi bētsi unin űu bitima 'icēn.

18.

Camabi unin ca ain cuēēncēsa oquin sinanti 'icēn; uni rairinēn ubiócēma ca 'ití 'icēn. Uisoquin cara ain dios rabitisa tania usoquin ca 'ati 'icēn. Usaquin sinanxunbi ca amiribishi 'aisa tanquin sinantécení 'icēn; uni rairinén ubiócēma ca 'ití 'icēn. En rabicē diosan iscēx ca bētsi bētsi űu 'ati 'aisama 'icē quixun sinancé uni ca bētsi unin a ain cuēēncēsabi oquin 'anun ēnti 'icēn. Usa ain ca ain diosmi catamēisa tania bētsi unin a 'axunma 'anun catima 'icēn. An rabicē dios ca anbi rabití 'icēn. 'Aisa tani ca uni rairibē timēquin abētan rabiti 'icēn. Rabiquin ca 'aisa tanquin rairi uniribi ain dios űuiquin 'unanmití 'icēn.

19.

Camabi unin ca ain cuēēncēsa oquin sinanti 'icēn. Ca ubiócēma 'iti icēn. Ca bētsi unin cacē bana 'aisa tanquin sinanti 'icēn. Bētsi nētēnu 'icē unibēribi ca 'unanmiananti 'icēn. Usai 'i ca ubiócēma iti 'icēn. Usaribi oi ca ain sinancē űu űui banatisa tani banati 'icēn; ca ubiócēma 'iti 'icēn.

20.

Uni rairibē timčtisa tani ca uni upí oquiinschi sinanx timetí 'icēn.

Uinu 'icē uninbi ca bētsi unin abētan űu 'aisama tania ubioxun űu 'amitima 'icēn.

21.

Camabi unin ca libreta electoralaűu 'ixun ain cuēēncēsa oquin 'apu caisquin votación 'atí 'icēn.

Gobiernonēn ain nētēnu 'icē unicama 'aquinun mēniocē űucama ca camabi uninan 'icēn. Ca esa 'icēn: Bai cha anun ca carrocama 'imainun unicama cuainsa tani cuanti 'icēn. Anun quirica buanmiti correo anun ca unin 'aisa tanquin ain quirica buanmiti 'icēn. Usai ca 'iti 'icēn.

Uisa gobierno cara a nētēnu 'icē unicama cuēēnia, usa ca ain gobierno 'iti 'icēn. Uisa gobierno cara a unicama cuēēnia 'unánun ca libreta electoralaűu 'icē unicaman quiricanu cuēñeoquin uicama cara ain 'apu 'iti cuēēnia quixun 'unánun 'ati 'icēn. Camabi uni ain sinancēsabi oquin ca uix 'apu 'iti cara cuēēnia, ain anē quiricanu cueneotí icēn. Cuēñeocē ca uni itsin 'unantima 'icēn, anbi cuēñeocē ca ití 'icēn. Camabi uni ca bētsibē sēnēn 'icēn. Usa 'aish ca camabi uni gobierno quicēsabi ol libreta electoralaűu 'iti 'icēn.

22.

An űu 'atima 'acēma 'aish ca uinu 'icē unixbi rabinima bētsi uni 'icēsai űu meetinu ianan uni rairibē űuianancē 'ianan ain rairinēn űu 'acē 'icēsaribi oi 'isa tani iti 'icēn. Uní usai 'icēma 'aish tēmērala ca uni itsin 'aquinti 'icēn, ain 'apunribi mēniocēsabi oi ca 'aquince ití icēn. Uni ain nētēnuax cara uisa űu cara 'icēbē tēnmēria ca bētsi nētēnu 'icē gobiernonēnribi 'aquinsa tanquin 'aquinti 'icēn.

23.

Camabi unin űu mēētisa tanquin ca űu meetí 'icēn. Aűu űu mēēti cara 'aisa tania a űu mēēti mēraquin ca 'ati 'icēn. An űu mēēmicē unin ca ain uni 'atimotima 'icēn. űu mēēti 'alma 'ain ca 'apun űu mēēti mēranun 'aquintí 'icēn.

Ui uni cara, uisa cara ain bana 'icē, camabi uni ca sēnen 'icēn. Usa 'ixun ca upí oquin űu meece 'ixun bētsi unin 'acēsaribi oquin ain cupí bití 'icēn.

Ui unin bētsi uni űu mēēxuncē 'ixun ca ain cupí bití 'icēn, a 'imainun ain xanu 'imainun ain bēcicēcama upiti bucunun. Ain cupí 'itsamashi bicē 'aish 'aquinsa 'icē ca apun anun a 'aquinti mēníotí 'icēn.

An űu mēēcē uni raírí unibē timēquin bētsibē bētsibē aquiananisa tanquin, ulsoquin cara ain űu mēēti 'ati 'icē quixun sinánan uisa cara ain űu meetí icē quixun acama sinánux timētia ca uni itsin usaquin anun enti icēn.

24.

Camaxbí űu mēētancēx tantiti ca asábi 'icēn. 'Uráinra tantiquinma űu mēētancēx ca tantití 'icēn. Anun tantiti nētē gobiernonēn mēnlocēsabi oquin ca unin űu mēēquinmabi ain cupí bití 'icēn.

25.

Camabi uni 'imainun ain xanu 'imainun ain bēchicēcama ēsai 'iti ca asábi ''icēn: 'insincēma chuámarua, pitiűu, chupaűu, anu itinu, insincē 'aish roűu 'iti. Uni ain űu meetí 'alma, uni insince, uni bētsicē, xanu casunamécē, uni xēni acama anun upiti 'iti 'alma 'ain, ain aintsin 'aquiniama ca a 'aquinti 'apun mēniotí 'icēn.

Tuáűu xanucama 'imainun tuácamaribí upití inun ca 'aquincē ití icēn. Bētsi tuácama 'icēsaribitia 'inun ca unin xanumi sēcē' ocē tuácama bērdance ití icēn.

26.

Camabi tuá ca escuelanu atsintisa tani atsinti 'icēn. Cuploquinma ca primaria 'ati pain atsinti 'icēn. Camabi tuáratsu ca escuelanu cuanti 'icēn. Ui unicama cara escuela tēcnica anu atsintisa tania ca anu cuanti 'icēn, apun mēñíosabi oi. Secundaria cēñutancēxun bētsi űuribi unantisa tani ca bētsi escuelanuribi atsinti 'icēn, ain nota asábi ain.

Escuelanuxun ca quiricanu cuēñeocē űuiishi 'unanmicēma 'iti 'icēn. Anuxun ca alumnocama bētsi űu 'atiribi 'unanmicē ití 'icēn, 'imainun ca upí oquian alunnonēn sinantí aribi 'unanmicē 'iti 'icēn. Bētsi menu 'icē unicama 'imainun bētsi banan banacē unicama 'imainun Nucēn Papa Diosmi sinancé unicama 'imainun ami sinancēma unicama, camabi nusaribí uni 'aish unibē nuibananti ca 'unanmicē 'iti 'icēn. Usaquin sinanmicēx ca gobiernocaman xucē unicama timēxun cuēēncēsabi oi unicama bētsibē nishanani 'acananti 'aima iti icēn.

Bētsi unin cacēsamaira oquin ca ain titabētan ain papan cati 'icēn, uisa escuelanuxuinra cara ain bēchicēnēn űu 'unanti ice quixun.

27.

A ēmanu 'icē unicaman 'acēsa oquin ca anu 'icē uni rairinēn 'aisa tanquin usaribi oquin 'ati 'icēn. A ēmanu 'icē unicaman sinancēsa oquin ca anu 'icē uni rairinēn 'aisa tanquin usaribi oquin sinanti 'icēn, camaxunbi űu 'ati upí oquin 'unánan upiti bucunun.

An űu 'acē unf 'imainun an űu cuēñeocē uni anpan 'acē 'ain ca bētsi unix, en 'acē ca quiax quitima 'icēn. Usai bētsi unix quití rabanan ca an űu 'acē unin 'aisa

tanquin an 'acē ñu a 'apu 'unanmiti 'icēn.

28.

Enē quiricacama quicēsabi oi camabi uni uni itsin ublocēma upiti bucuti 'inun ca camabi nētēnu icē unin ain aintsi 'aquinti 'icēn.

29.

Camabi únin ca ain ěmanu 'icē unicama 'imainun a 'urama 'icē ain caibucama 'aquianan atubētan ain ěma 'imainun mecama upí imití icēn. Usaquin 'ai cuni ca unix masá sinancēma 'aish upiti 'ití 'icēn.

Unix ublocē 'aish upiti bucucēma 'imainun unin ñu 'atima 'aquin uni itsiribi ñu 'atima 'amiti 'imainun bētsi bētsi ñu sinanquin uni raírí tsuáquirumiti usai 'iti rabanan ca gobiernonēn ain unicaman cuati bana mēníoia. Usa oquin mēnlocē banacama ca ain unicaman cuati 'icēn.

Gobiernocaman xucēx timꝥcē unicaman upí oquin sinanquin ca ěnē banacama cuēñēoxa. Usaribí oquin ca camabi unin ěnē bana isquin, usaquin sinanquin 'acē ca enex ice quixun upí oquin sinanti 'icēn. An 'acē unicaman sinancē bana ca bētsiotima 'icēn.

30.

Enē banacama bētsioquin ca uinu 'icē uninbi uni raíricama upiti bucunun quixun sinanquinma, 'ěx cuēñcēsa oquin 'anun ca a bana quia quixun sinantima 'icēn. Uni raírí bētsi unibē timēcēcama 'imainun gobiernonu ice apucamanribi ca usa oquin sinantima icēn.